

斜

川

集

分甘餘話

門人殷彥來譽書至云劉原父貢父公是公非集吳下藏書家有之許借鈔錄又新安族人攜一書目有漢上題襟集蘇叔黨斜川集客臘轉售吳興賈人今績溪胡氏甯國許氏尚有藏本當多方購覓傳寫余夢寐以之聊記其語以俟他日機緣若何耳

書中僅載漁洋先生記而遺餘話今補集于右成寅長至節長思闡記

宋蘇過叔黨斜川集原書久佚元已來行世者皆竄改謝  
過竹友集劉過龍洲集為之以二人與叔黨名同故也此  
與抄撮朱松韋濟集中之作假託洪邁野處類稿者同出  
雞林黠賈作偽第類稿之為贗鼎知者尚渺是集則一四  
庫總目已詳辨之近人持靜齋續增書目有元刊斜川集  
十卷未審果屬真本否也乾隆中厯城周永年搜集永樂  
大典所載叔黨詩文裒然成帙于是真本復顯于世仁和  
吳張元更刻取他書以增益之勒為六卷附以遺事訂誤  
武進趙懷玉序而刻之嘉慶中蒙古法式善復從大典掇  
拾得補遺二卷續抄二卷屬長沙唐仲冕刊附于後即此  
本也向為欽鮑廷博所藏卷中增詩三首晉碑一則又別

紙錄張朱答詩皆其手筆後遂重加排比以補遺續抄各篇散入六卷中祇存附錄一卷刻入知不足齋叢書二十六集惟較少東亭上詩暨像圖并別紙所錄張詩亦仍遺之殆授梓時偶漏脫耳嘗檢鮑刻互校凡編次異同處一一標識眉端鮑刻新增釋道潛贈詩亦補次張詩之後其書雖櫛撫成編然經前賢三再鑒定故一時推為精審惜其仲尚有誤收者如補遺仲紹熙改元賀表鮑刻編入卷四不知出誰氏手紹熙為光宗年號叔黨卒于宣和五年見晁說之所撰墓誌下距光宗初元已六十八載其非叔黨之作明甚阮文達元槩經室外集有是集提要亦未著其誤故為拈出俾後來重刊者得據以刪削焉

校刻斜川

內閣

蘇氏斜川集南宋以後流傳已寘康熙間有

詔索之未得故四朝詩中祇錄一首以存其真自餘贗本大率因謝幼槃劉改之二人名與叔黨相類竄其集以欺世東南士大夫家置一編而不覺近日蜀中有新集斜川集亦龍洲道人作也乾隆辛丑冬集大興翁學士蘇齋脩東坡先生生日之祀學士手編示余曰此叔黨斜川集從永樂太典錄出可以證諸贗本之非乃取集中大人生日詩邀同人和焉會請急南下未及假鈔

以爲耿耿越六年丙午客授桐鄉偶語鮑君以文則以  
文已先屬其友人仁和吳君麗煌錄寄喜極欲狂亟索  
校閱有可據引者條疏於下雖未能復宋本舊觀廬山  
面目庶幾可睹矣夫人情於不易見之書則尤思慕弗  
釋必力購得之而後快矧祖考名德奕世稟承其文爲  
史傳所稱其行爲家庭所誦光靈未泯簡冊亦神空爲  
世如何珍重哉今觀其詩文具有家法東坡好和陶而  
叔黨有小斜川之作東坡善言兵而叔黨有論黎事之  
書出處進退未忘家國使天假以年名或在其父下  
惜乎身處末流仕又再黜轄輞道死不獲措其蘊於天

下是則才人之不幸夫然四庫之積浩如煙海君文於  
其間直一稊粟耳沈晦伏匿至六百數十年而卒顯於  
右文之世不可謂非幸矣是集著錄於宋史藝文志爲  
十卷陳氏書錄解題馬氏通考卷數皆同茲從大典所  
錄殘佚之餘屢釐六卷乾隆丁未四月付梓中閒作輒  
涉冬而後歲事商榷讎勘以文一人而已乾隆五十三  
年歲在戊申春正月

斜川集目錄

第一卷

古體詩七十六首

第二卷

古體詩三十七首

第三卷

今體詩一百七首

第四卷

賦二首

文十九首

第五卷

文三十二首

第六卷

文七首

附錄

遺事

訂誤

蘇東坡集卷第一

正月

二十四日侍親游羅浮道院

棲禪山寺

懷玉

集有正月二十四日與兒子過賴仙芝王原秀才僧曇穎行全道士何宗一同游羅浮道院及

棲禪精舍過作詩和其韻寄

法寧

十六

庚午

提

溪雲暖

葱蘢野水清可揭

山明草木秀

百里見瑣細

閒境愈靜

地暖春先逝桃李已青枝落花空覆砌涼風

稍可愛

習習來衣袂赤日雖未苦炎炎逼裘毳道人疑

有道羽服襟裳弊

晨齋爨無煙舍糗聊卒歲空堦指草

撥破屋緣薜荔挂杖挑笋蕨折柳樊蘭蕙居夷信何陋

卽此可遁世敢師浴乎沂不數山陰禊人生行樂耳四海皆兄弟何必懷故鄉吾駕隨所稅

人瀆

懷玉案紹聖二年坡在惠州有小圃五詠此首及枸杞一首蓋是時同作而佚地黃甘菊

蕙草  
三首

草木異所稟甘苦分炎涼人瀆獨中和羣藥敢雁行雖微瞑眩力頗著難老方醫之古循吏有益初無傷安神補五臟自使精魄強羅浮仙者居靈質不自藏移根植膏壤櫱葉粲以長東南雖異產遼海誰能航誓將北歸日從我涉漢湘種之睂山陰得與伯仲嘗

枸杞

春槃擷新芽秋籜得紅實霜根釀我醪色味兩奇絕老  
人鬢已絲處子何由得早佩斯人言百歲真瞬息今我  
幸未衰妙藥況咫尺食前得珍蔬新釀掃故疾瘴海風  
土惡地氣侵腰膝元鬢或僵僵赭頰顏已黑西河安可  
冀北歸願如昔區區摘蒼耳羸陋非所敵

次韻叔父浴罷

懷玉案子由浴罷詩載樂城後集紹聖四年坡在安化軍有和詩此蓋同時

所作

黃門昔萬機下士勤握沐今已與世疎雅志追沂洛丹  
田有宿火如比陽來復轆轤自轉水離坎俱實腹謫居  
百事乏惟喜薪水足時濯西風塵一寓歸鴻目勿驚髀

肉少衣褐真懷玉明鏡雖無垢新苗良待沃雨餘餐嚴  
岫露重膏松竹更觀雲入山心與境同熟道書如雨初晴雲入山林  
語之珍重耆城言妙解何須讀潔香非外求清淨常返矚  
物初信可游儻來非所卜益師莊叟言養生貴緣督

次陶淵明正月五日游斜川韻

懷玉案坡和陶詩有正月五日與兒

子過出游作是爲元符元年在儋州作

歲豐田野歡客子亦少休糟牀有新注何事不出游春  
雲翳薄日磾石俯清流心目兩自閒醉眠不驚鷗茅茨  
誰氏居雞鳴隔林丘曳杖叩其門恐是沮溺儈但苦鳩  
舌談爾汝不相酬築室當爲鄰往來無憚不澄江可寓

目長嘯忘千憂儻遂北海志餘事復何求

五色雀和大人韻

懷玉案五色雀詩元符元年坡在儋州時作。坡詩序云海南

有五色雀常以絳羽者爲長進止必隨焉俗謂之鳳皇云久旱而見輒雨潦則反是子卜居儋耳城南嘗一至庭下今又見之進士黎子雲及

其弟威家旣去吾舉酒祝曰若爲吾來者當再

集也已而果

然乃爲賦詩

神雀來何從飛鳴自爲徒尊卑有定分衆色敢亂朱與  
公作新年禱禳陋桃符南遷不見鵬屢集升平鳥

柳仲郢每

遷官必鳥集升平第五日乃散翩然自靈物豈惟眷庭悟年來翟公門寂寥誰與娛瓜田豈故侯環堵眞前儒雖知非天窮嶮阻殆切膚海南夷獠窟安得此異雛似爲三足使仙子

儻見呼定知隱几人嗒焉非昔吾不願宴西瑤東華返  
舊都

冬夜懷諸兄弟

懷玉案此在僧耳作

霜風連日惡霜月連夜苦青燈寒無光翳翳昏復吐念  
我手足愛相望若秦楚兩兄寄陽羨耕稼事農圃算瓢  
有餘樂菽水未爲寢兩兄客潁川耿耿懷去魯近聞營  
蕘裘稍亦葺環堵有弟雖咫尺相逢猶齟齬黃灣隔小  
海孤嶺度大庾今年厄陳蔡夫子嗟兜虎惟我二兄弟  
頗亦嘗險阻憶昔居大梁其結慈明侶晨憲惟六人夜  
榻到三鼓豈知聚散事翻手如雲雨我今處海南日與

漁樵伍黃茅蔽澗谷白露昏庭宇風高翔鴟梟月黑號  
鼴鼠舟居雜蠻蠻卉服半夷虜下牀但藥餌遺瘴煩樽  
俎何須薦墮時方念平生語

次韻大人與藤守游東山

懷玉案坡元符三年九月離廉州至藤州有游

東山詩題云徐元用使君與其子端常邀僕與小兒過同游東山浮金堂戲作此詩徐元用名璣坡倅杭時

爲仁和令

灘聲已悲秋澗色猶藏春駕言東山游繩彼千載人使  
君平陽意客至但飲醇風松作鼓吹迎送長江濱爾來  
乘桴翁歸路物色新高情寓箕頰絕意登麒麟三吳有  
負郭稻穉秋盈囷瘴茅喜欲脫下澤還當巾縹紗九疑

行此生定知津故人儻見思尺書憑素鱗

將至五羊先寄伯達仲豫二兄

懷玉案此元符三年侍坡離廉過藤

梧將至廣州時作坡亦用韻以寄邁迨時邁與家屬住惠州造在常州坡詩云大兒牧衆稚四

歲守孤嶠次子病學醫三折乃初曉

人皆有離別我別不忍道惟應付夢幻事已共一笑憶  
昔與仲別秦淮匯秋潦相望一葉舟目斷飛鴻杳伯兄  
陽羨來萬里踰煙嶠未溫白鶴席已餞羅浮曉江邊空  
忍淚我亦肝腸繞崎嶇七年中雲海同浩渺豈知羌村  
晚驚拜杜陵老子戈雖事異歡喜動夷獠山川舊悽慘  
雲物今清好不似元都桃秋風不堪掃

送張倅彥政赴闕

信馬來并州并州在何許太行如登天憔悴欲誰語青  
衫百僚底屏氣不敢吐謂當哭途窮何但折腰脅忽逢  
元紫芝仰視得眉宇敢論通家舊竊欲比文舉先君與  
叔父嘗得交於公之王父有一日之雅使君況不凡高論傾肺腑能容丞掾  
醉不問車茵汚念我丘壑人老矣事簪組端如赴縲囚  
坐受獄吏悔感公懷抱開一笑忘羈旅雖知抱關惡未  
忍賦歸去相從僅滿歲公已歌杕杜秋風忽零亂吹盡  
西山雨定應催行色不遣車輪阻天街早飛輕鶴鷺看  
接武青雲豈難到少展垂天羽區區亦自憐從此歸農

圃

郡守禱雨獲應

秋陽六十日閏閏歲可憚原田龜坼塊城市塵沒屢誰歎悲若人活彼於旦暮精禋發仁惻誠意輒上訴神山闕靈湫水旱天所付潛此嫋廢職暴虎往鬪怒抑無東海冤又豈桑羊蠹天心自響荅民語酌道路嗟予生理拙飢飽共農圃披衣夜不眠聽此簷閒語沈疴忽去體黃壤流膏乳少寬縣令責盡復南畝故呼兒酌我酒欲寫無佳句聊同千里謠非公誰與哺

再和

吾君如湯仁常爲無災懼一夫恐不獲貿貿悲輯屢二  
斗東南憂詔書走晨暮陳陳發囷廩粒食不待訴知公  
經綸手故以民社付汪然叔度陂不見偉節怒德星所  
臨次民瘼消朽蠹祝祠往無愧飛雨來半路耕犁及二  
麥浸灌休老圃何人執筆書爲瑞非虛語應言潁川鳳  
未要猫相乳益欣獄訟少三尺略細故丞掾從歌呼謳  
謠入章句謝公未賦歸赤子猶待哺

題劉均國所藏燕公山水圖

江湖半此生老去徒見畫看山眼已足涉險夢猶怕老  
燕久黃壤遺墨獨未化胸中有丘壑故遺意匠寫會逢

知音人契此筆端話故山當早歸誰是知津者

顏樂堂

恨無阿堵君一區今尚欠且謀蔽風雨拔草聊自苦低  
深人易安儉陋鬼不瞰寧辭力少勞還視家無瓶從來  
生理拙況此歲屢歉故將簞瓢心聊作梁肉砭堂前有  
甘井汲取良未厭堂後有藥苗一飽亦可翫胡爲不歡  
樂何事貧憂詔作詩置座右勿使斯言玷

與范箕叟避暑西湖

快哉楚王風庶人安得共西陂浩無價不計吾儕用永  
日不可暮窮居壓塵闥出門有佳詣咫尺窺潭洞危樓

俯木杪大廈森高棟戶牖交梧楸蒲荷接蘋葑閒持枕  
簟往遽起江湖夢醒然涼肺肝習習吹衣動世閒賤易  
得清風誰與重勞生不自覺至樂那容衆北窓與君享  
世網念少縱肉食固肥甘輕塵沒飛輶

陪郡守遊西湖泛舟曲水分韻得會字

謝公志東山杖屨未冠蓋興成江湖遊意落軒冕外陰  
陰聳夏木剗剗鳴溪瀨掣舟破菰荷尋徑穿蕭艾新亭  
水心見倒影飛虹背青山忽入坐境與人意會公詩如  
干將游刃天宇大西湖真小鮮殊未供刀鎔雲煙日相  
割媚嫵分晴靄妙語瀉瓊瑰化工應有待

同趙伯充遊曲水趙氏莊分韻得抱字

三春失行樂風雨與病惱忽驚節物改樹密鶯聲老濫  
陪閒中客載酒尋芳草東郊縱所適蒼莽事幽討誰歟  
有隱居谿谷相鬱繚疎籬映脩竹叩門許徑造主人雖  
鋤耰好客自灑掃結茅年種木今合抱飄然佳公子忽弄松風操絲桐豈能爾妙意超物表歸途踐危橋  
月上千林縞茲游非人寰俗耳不可道

和叔父移居東齋

懷玉案  
題曰青東齋三月十八日  
穎瀆詩載樂城後集

去鄉三十年夢寐猶西土阨窮未能歸諒亦君子固結  
廬箕願聞絕意爲霖雨聊清一室地僅作跏趺處邇來

又謝客不待羹饌釜西齋舊翳密日晏窻先暮東軒得  
爽增真作禪侶住公舊自謂東軒長老陶潛採菊時尙復有真趣  
公今觀此心湛然忘客主坐了一大緣固已遺能所

次韻岑彥高史強本春日書懷二首

二豪以詩鳴優劣孰敢分縱橫閱萬卷何憂備三鄰終  
年發揣摩秀句吐陽春誰云不蓄龠安取三百囷汝穎  
素多奇世不乏孫陳避家譯故作孫著書效潛夫奏賦嗤陵雲  
哀時無祁奚丹書誰爲焚黨令試一割晉盜當奔秦德  
業闕不耀天欲昌其身定交乃余求不貴白髮新從此  
杖屨數爲子掃榻塵高談看亹亹揮麈落紛紛

逝水不可復百年行中分自嗟齒髮故晚境桑榆鄰節  
物謾消長枯荄不知春軒裳歎雞肋雀鼠盜廩囷學藝  
晚愈拙彈冠力難陳澹然忘出處任此無心雲世路羊  
腸險恐遭象齒焚何如老山澤憔悴非逃秦嵩少幸咫  
尺雲泉許容身平生餘嗜好舍舊當謀新安心本無法  
妙理契析塵優哉真卒歲豈復悅華紛

寄題撫松堂

胸中朝市遠何必擇所居門無結駟客山林入吾廬西  
洛有君子築室城之隅種松在庭戶志與淵明俱朝挹  
西山爽莫尋南澗娛霜中鶴骨瘦雨夜龍鬚疎主人應

相似節抱陵雲孤不知寒暑遷官徇世俗趨昔稱水南北去曳侯門裾能伴松菊老固知涇渭殊我恨督口腹斂板慙妻孥三逕未能歸高臥子不如青衫滿塵土何時返樵漁未用北山移我來只須臾

寄題北海文舉堂

巨君竊漢璽如取鴻毛輕孟德老且死不見姦業成乃知朝無人誰憚百公卿一夫能仗節介然屹長城忠義國所託安危與之并吾於文舉見坐折姦邪萌誰能搏猛虎乃用尺箋嬰義氣橫宇宙不煩尺寸兵悲哉天所壞一木難扶傾梟鸞不兩立夫子安得生中原竟分裂

三姓鼎足爭當知千載後高名獨崢嶸使君定不凡論  
友古豪英作堂追餘烈豈祇求空名廢卷屢歎息孤忠  
誰發明玉石痛俱燼鯨鯢脫誅烹嗟余志謬懦怒髮猶  
衝縷九原不可作涕淚徒縱橫

和王仲弓雪中懷友之什

懷玉案仲弓名寔王文恪樂道之子

出門無所之懷刺名欲滅要求我輩人庶緩禮法設城  
南有勝士塊坐方禪悅不嫌來往頻相對餐瓊雪  
我非淳于狂君勿怖燭滅時能啜少醴誰爲穆生設明  
憲坐弈棋聊以寄怡悅勝固無所爭敗亦何足雪

次韻少蘊移竹於賈文元園二首

時倅車乃文元裔孫

猗歎參相園中有蘆塞根千夫屹冠劍坐閱雲來孫當  
年擁節旄雅志在淇園琪玕映城郭琴筑鳴潺湲春筍  
半出林橫鞭爭觸薄坐陵霜雪氣高壓桃李繁年來王  
子猷來乘刺史軒請分一畝陰自訪三家村賦詩屬公  
考益遺交情敦一雨飽生涼莫嫌池水渾

我公經綸手胡爲試盤根忠言與嘉績有後期臧孫胸  
中五千卷三歲不覩園種德如川增源深自潺湲遽辭  
承明廬出備諸侯藩仁風被草木已覺棠陰繁此君況  
手植伴公讀書軒未須勞趙吟竊目聊江村羣豪爭吐  
奇和詩相勸敦愧無停蠟句往繼火陸渾

送在庭姪領漕歸蜀

伯祖昔爲郎出乘使者輔德星照東蜀遺愛及後昆登車問民瘼手拊創痍痕遂使吾蜀人不知獄吏尊迢迢六十年乃復見曾孫曾孫早讀書待詔金馬門一選文昌省駿駿西掖垣凜然七尺軀雲夢不足吞乃居嚴徐閒齒吐吻脣青雲豈不願局促畏短轍收拾五車書歸掃西山墳平生有家學舍魚取熊蹯况茲甘棠俗尙懷挾纊恩上以慰慈母一笑請平反下以慰父老俯不怍九原更酌老翁水我爲歛此言

和母仲山雨後

懷王案樂城後集有見兒姪唱酬次韻五首卽此雨後諸詩也

柴門似郊居煙草碧萋蒨君能慰幽獨數面情已眷山  
雨洗茅屋耳目清如浣憑君發妙語筆有書萬卷

杜陵有佳句久旱雨亦好從教怨行旅頗一作頓覺慰父

老我似廣文貧飽食平生少忍飢山澤儒未易窺三島西湖跬可至不畏城闕阻芒屨與竹杖穿泥未爲苦清波暗萍藻中有芙蓉吐驟雨真可人新荷亦掀舞

能琴何必弦但曉琴中趣學道何所得知逃卽眞悟嘗觀指非月要似足忘屨歸吾無所歸茲焉定歸處

吾廬不知暑心閒自清涼醉鄉豈難入不假陶令觴白髮我摧朽青雲子軒昂溪山會先往簪組未汝忘

和范信中雪詩二首

春事已稍稍雪泥阻遊觀壯心本無多老境嗟易闌念  
子功名士早嫌懷與安乘繻事遠遊有待齒髮殘世事  
屬廢耳  
餐急流成一快勇退人獨難慎守林

泉幽莫辭松桂寒餘齡付空寂粗免非意干願同王翰  
鄰未暇貢禹彈粧糠身外物況復子所歎

君家窩城市乃有山林觀高高復下下卜築殊未闢昨  
夜三尺雪閉門學袁安且欣麥隴足未怕紅梅殘誰憐  
屬國蘇取氈臥自餐欲尋鳥道往反畏屐齒難凜凜谿  
邊竹倚空爭歲寒儼如十萬夫玉山方總干悲風動騷

屑伴我長鋏彈布衾冷如水敢效無魚歎

小雪

小雪不盈寸陰風何凜冽那堪平地尺柰此衣百結天  
公固念民已兆豐年悅不知貧與富苦樂相懸絕沈沈  
五侯居碧瓦映華悅獸炭麒麟紅銀瓶黃封揭春風遶  
幄帳醉而生綺纈賜宴明光宮玉色逃金闕誰憐華門  
士破壁穿飛屑捉襟肘常見納履指屢決夜長不可度  
薪溼何由爨飢吟數更鼓坐歎生理抽寒暑有代謝何  
須怨窮達猶勝臥穹廬破瓊空自鬻

湖陰有隱君子作軒曰獨樂鄉人常希古爲賦詩

余集卷之二  
屬子同作寄之

吾聞顏氏子簞瓢歡有餘不知外慕樂服膺在詩書君  
看軒冕榮其辱與之俱斯由豈不遂上蔡曾弗如倚伏  
無已時循環共一塗賢愚但相笑莫知改前車嗟我晚  
聞道一官真蘧廬得之不爲喜失之分所無塵垢未忘  
掃冰炭久已除蕭然百憂釋夢覺兩于于江南有高士  
以樂名其居嗜不同衆好德則良不孤磨鉉事簡策校  
讎獨勤劬持此返退藏不願拾紫朱黃卷有晤語捨茲  
無與娛安得乘扁舟訪君在五湖

送梁與可赴中山倉

達人無吟畦從仕聊爾耳言辭將軍幕去作倉庾氏君  
懷著雲夢尙有恢恢地眷此亦鴻毛何足爲軒輊相君  
澤未遠風流王謝比滿牀簪笏間乃見山林士嗟余南  
畝人投老坐關市蕭然見睂宇真足忘漿餽平生南陽  
館市駿得千里帳中三千客不數曳珠履要知磊落人  
臭味同蘭茝翻然若鴻鵠飛去今無幾我行抽手板亦  
復還未耜安能久俛首自困刀筆吏

葉守奉詔祠神霤二首

帝子閔下土狩臨千柱宮來如月照夜去若電掃空馨  
香薦明德降嘏初無窮靈光每下燭陋彼齋房中大道

含一氣地天本相通精誠貫白日閒闔來清風俾爾仁壽域不宰造物功眷言蘋藻微報施良已豐

正直神所予誠存邪自閑齋壇夜寂寞天風吹佩環想像鸞鶴駕雲霞隘空山翩躚款帝闕羣馭相追攀屏息百慮空凜然夜氣還心灰塵埃境迹寓冲虛間益守清淨化俗情開昧頑無聲頌文德庶幾窺一班

北山雜詩十首

長元案此十詩放翁有和作見劍南稟四十四卷

慟哭悲素秋言登北山腳昏埃迷漫嶺疲馬戰犖確歲月苦易得俯仰成今昨山雨壞古道春淙變谿壑飛妖雖已息空隧那堪穠農夫抱耒歎四顧淚雨落

空山寂無聞獨擁寒爐火時時黃犬吠知有行人過扣  
門但樵叟束薪求售我辛勤易一飯空腹安能果我困  
亦無幾僮僕行憂餓明朝且食粥彈鋏悲楚些

霜餘木葉脫浩蕩風千里簸搖茅屋下布被冷如水吾  
儕貧亦巧紙帳陋紈綺柴門任軒吼曉夢方清美牆東  
新鑿牖朝陽催我起安眠愧耕者隴月射牛耳

午枕不能寐牀頭井百尺轆轤下長绠鏗響鳴山骨分  
甘徧鄰社甚旱猶湍碧烹茶沸小鼎自撥寒灰白默默  
誰與語扣門惟木客坐念魯兩生壁間有陳迹

默李吾所畏文字班馬流空齋鎖長夜尺瀆橫吞舟誰

令效方朔顧盼侏儒羞不如談天李高論隘九州能爲齊諧語自許監河侯浮沈閭里閒與世眞無求

西南望平原汝水稻千頃黃雲卷穰穰懷我江湖境扁舟五月時潑眼菱荷淨歸來逢歲惡半臂換湯餅悵望雲子白悲辛殘炙冷采薇聊卒歲雅志在箕願

居間本可樂閒久復難度此心苟無著永日未易暮平生有習氣但對黃卷語詩書與博奕等是忘閒具不如觀此心安用徒勞苦湛然返靈源當求無所住

濛湏山頂雲欲雨晝昏黑似闇田父喜茅舍有點滴水年秋有蜚不敢藝兩麥天公猶見憐一犁應不惜我雖

厭泥濘與爾同休戚訛訛有遺種更望雪三尺

袒裘禦霜風從人笑胡服長齋似浮屠逾月不知肉東  
鄰有病嫗鬟白垂鶴鵠擁竈坐無衣何曾飽脫粟哀哉  
天民窮壽考非其福同此覆載閒我生良已足

山月半輪出寒光射天明微雲掃何處萬籟沈無聲褰  
衣步東嶺彷彿游化城下視寰宇閒醯雞等營營余幼  
好奇服簪組鴻毛輕羽人儻招我攜手雲閒行

餓任況之

我如支離人自負百釣趨羊腸路九折傴僂纔半途道  
逢任夫子忽焉巾柴車問君當何之駕言返舊廬息肩

子有日我愧今不如嗟哉妻孥累口腹亦見驅一墮世  
網中局促轍下駒秋風送鴻鵠萬里翔天衢蓬瀛豈難  
到定笑山澤癯那知羈旅懷扁舟夢江湖行當投効去  
暮景收桑榆願回結駟駕時過原生居

三月十九日同仲豫兄長率崔遐紹趙漢英游朱  
園放魚

何人潰溪流忽作飯建屋不知幾魚蝦生斃此枯瀆纖  
纖躍泥沙濡沫曾不足雖求升斗活終困螻蟻毒眷余  
二三子行春訪修竹危橋得小憩涸鮒哀窮蹙汲井叩  
鄰里捐金勸僮僕好生人所欣稚子助擎掬要令徒窟

宅終免愧口腹瓶罍得千尾不滿百錢曠勿輕其微細  
有知異草木蟻蜂雜君臣蝸角戴蠶觸君看長平戰一  
舉百萬覆擾擾大塊中鉅細同倚伏達人齊萬物愚士  
蔽一曲慎勿廢此言小惠何足錄

歲暮見懷

懷玉案此詩似海外寄邁迨二兄之作題下疑有闕文

所願非富貴甘苦同友于長衾與大枕共寢從懸弧爾  
來萬里別南北如囚拘一夫苟不獲仁聖惟子辜而我  
三兄弟飄泊海與湖

紛紛月挂樹征人念行路行路何茫茫誰爲供屏屨努  
力治蕪穢公歸定非暮東門會祖道歎息兩疏傅滌器

當自今歸歟不愆素

次韻孫海若見贈

用子美詩蘇侯得數過歡喜每傾倒

碌碌抱關好孰爲賢與愚休歌紫芝曲且和南郭竽達人齊萬物軒冕等塊蘇

神仙何渺茫羽人想丹丘讀書悼無成賣劍行買牛眷此三萬軸傳家無鄰俟

折腰爲五斗強言筦庫職譬如彈隨珠徒喪竟何得坐詠淵明篇令人有愧色

論交逮蓬蓽此道久寥邈君侯廊廟人顧我何數數夜光忽暗投按劍驚卓犖

自分麋鹿姿食薇山之阿不意設羅門屢辱結駟過清  
談脫麈尾奈此落月何

仕宦纔百日邴公有餘憚君今吏一邑蕭然懷抱安同  
翔雲閒翮退學鴻在磐

簪組實外物去來無慍喜君看失馬翁倚伏寄妙理顧  
我不亡存斯言定非綺

嗟余幼好奇乘桴蹈南海遠游信雖美驚夢今猶每一  
飽類邯鄲若樂何足駭

居間得三益詩社畢此生君才浩無際可畏銀河傾孤  
軍犯大敵半夜壁屢驚

君有中山行嚴風彫塞草日月遽如許相從恨不早當呼伯雅君看子玉山倒

次韻任況之

谿山豈遠火吏縛苦難到豈惟畏簡書誰與同嗜好我作汝颍行蹉跎春事老況逢懷抱惡千里風霜冒故人知我歸尺書遠見勞似尋西溪約故遣一介報何時脫韁鎖著我林泉帽願言絕臧否安用分瞭眊世故定可憎覆車寧復蹈且共醉山翁同看接離倒

次韻王仲弓贈史得之

春風回東臯春雨溼田舍芒輶問修竹小圃條疎柘史

侯得此趣十年官早謝定知猿鶴怨衣繡空行夜世無  
摩詰手誰見輞川畫且復浮沈遊款段聊叱咤

次韻趙承之數詩

一生拙自謙老去復誰諫二年此流落汝豈宜仕宦三  
黜固不辭難堪妻妾訕四海將安歸面詬風裂骭五鼎  
不願食誠言豈容贊六韜素無奇破敵未有閒七千古  
所稀田園當早辦八駿方竝驅瑤池朝與宴九牛亡一  
毛安用蓬蒿鸚十室請老焉佩弦吾敢慢

送伯達兄赴嘉禾

懷玉案此詩當在崇寧二三年間作

我生三十餘憂患恰半生飄零萬里外偶存三弟兄去

去復遠別。朔風催客征。相看各華髮。豈免兒女情。五載臥箕穎。分甘一塵氓。嗟哉生理拙。口腹不解營。各逐升斗仕。彈冠愧淵明。誰知三徑荒。聊代十畝耕。我政牛馬走。君乃簿書嬰。壯心已灰槁。焦芽不復萌。莊舄偶懷越。嗣宗求步兵。行藏本無意。簪組鴻毛輕。脫去西風塵。江山照人清。扁舟五湖月。千里爲尊羹。行著下下考。願辭赫赫名。青衫道旁吏。時哉那可爭。

和呂居仁宿盤溪

懷玉案宿盤溪  
詩東萊集不載

君詩如芝蘭。君操如松竹。寧當食舍魚。坐待熊蹯熟。申商掩仁義。已作高閣東。長吟失憔悴。短綴謝煩促。自然

四壁空惟有三冬足我懷嵩少游已辨巾一幅願言山  
中友先登惟子獨須煩懸河辯令我干免禿歸來詩滿  
囊大勝富潤屋窮通有定分鳬脰悲所續一醉盤溪堂  
自取君詩讀

賀姪行父遷居盤溪

揚雄無儂石而有宅一區陶令官可棄未免愛吾廬古  
來賢達士忘世未忘軀豈知美惡閒共盡同籞篠平生  
李居士轝攜四壁無常有好顏色直緣身世疎前年家  
城東一榦爲有餘今年家城西隱几猶昔吾此生正如  
此夢覺爾徐徐曾何置欣戚舍舊新是圖吾儕眞小人

問訊墳里閒聊爲盤溪喜德鄰良不孤益知水竹深中  
有山澤癯雖非三宿桑且學壺公壺

次韻僧中郎官菴

飛流半山東忽作長劍倚吾知有奇境何畏虎尾履郎  
官初得名山川雖信美誰能此巖居暫寓非終止吾儕  
世外緣壯心殊不已每譏懷與安同是非夫恥忍飢啖  
藜藿且博些笑喜更尋雲外人安得助薪水伶俜穿鳥  
道窈窕下澗底路迷煙草合欲往不得跬登樓亡其梯  
航海失一葦仰觀二三子脚下雲埃起山靈若相戲危  
石折屐齒憂我不再來遺恨丘壑裏借君談天口駭我

未聞耳秋高山更奇後會志益偉捫蘿貴先登噬臍無  
效此與君控扶搖赤腳踏清泚

僕以事至洛言還過龍門少畱一宿自藥寮度廣  
化潛溪入寶應翌日過水東謁白傅祠游皇龕  
看經兩寺登八節尤愛之復至奉先作此詩以  
示同行僧超暉

崢嶸兩山門共挹一水秀灘聲千鼓鼙石壁萬龕竇何  
人植翠柏幽徑出塵闕金銀佛寺古夜籟笙竽奏僧稀  
梵唄少石險松竹瘦惟當效樂天早晚棄冠綬

予寓洛陽寶壇有僧悟超類有道者與語論事能

援古證今蓋未祝髮時讀孔氏之史書涉獵大  
義爲浮屠猶不廢今老矣不復讀也形骸枯槁  
真能遺世故而玩死生者送予至龍門陪予游  
東西兩山作此詩別之

我生江海土性與魚鳥逸端來入世網竟坐形骸役此  
心本洞然六月遭怵迫常恐忘迹熟主人不勝客道人  
偶相逢宿契類疇昔巉巖秀睂目灰槁心木石語我學  
道難吾徒猶不力紛華久風靡外慕失闡域卑之毋高  
論逍去身外物未能忘飢寒衣布飯疎糲此語君自味  
至道在咫尺閱人吾雖多子獨無荆棘送行聊過谿共

躡登山屐

有爲超作紫方袍授之輒藏而不服日吾教有壞色衣無是服也子益高之

次韻范信中

將軍山林士本無軒冕意乘流亦悠悠得坎便止止平生劇孟徒作詩建安似曹劉或爭先沈謝何足擬人窮語益工天或相夫子念君綠髮初四海一身耳要見元魯山萬里立自致許君窺藩籬竟以身後委翩然復躡蹠便非昔隱几功名頗見迫終欲老雲水豈料小卜築一谿城市裏從茲儻來物不足置惺喜用尋巢許遊無愧汝穎士我有櫧櫧田君多櫻筍美杖屢日往來風流豈不偉

次韻趙承之畱別

出處事莫竝昔諳今則疎一從畏軒冕意遂甘泥塗種  
髮日就白衰顏寧再朱壯心空萬里老病寄一區故人  
來蓬海過門問樵蘇平生詩酒豪醉倒扶吳姝憶昨試  
京兆笑談鼠盜無雞牛本同割刀几無精粗去去南陽  
野何以爲君娛三年方赤地政成少踟躕古來賢守多  
方略想可圖民言或有酌近數崔大夫惜哉事大謬誰  
爲焚丹書

小斜川

并引

予近卜築城西鴨陂之南依層城遶流水結茅而居

之名曰小斜川偶讀淵明詩辛丑歲正月五日與二

三鄰曲同游斜川各賦詩淵明詩云開歲倏五十今

歲適在辛丑而予年亦五十蓋淵明與予同生於壬

子歲也

懷玉案淵明詩本是五日叔時窮既略相似  
黨偶讀誤本耳說見嬪真子時窮既略相似

而晚景所得又同所乏者高世之名耳感歎茲事取  
其詩和之以遺行甫信中巽夫三友請同賦庶幾髣  
髣當時之游而掩彼二三鄰曲之無聞也當以榜予

堂上

我老不自愛幾時真罷休浮沈閭里閒漫教馬少游年  
來五十化逝水無停流胸中粗已了浩蕩欲沒鷗淵明

我同生共盡當一丘試築小斜川佳名偶相儻亦復辛  
丑歲與公更<sub>平</sub>倡酬當時二三友得如我友不賦詩俱  
不傳疑有湛輩憂聊將桃李句瓊瑰副吾求

賦鼠贊筆

長元案此篇永樂大典缺載從宋文鑑補錄放東坡外集第七卷亦載此詩未

是知孰

太倉失紅陳狡鼠得餘虧既興丞相歎又發廷尉怒磔  
肉餒餓猫紛鬚雜霜兔插架刀稍一作粟健落紙龍蛇驚  
物理未易詰知一作時來卽所遇穿墉何卑微託此得佳

譽

斜川集卷第一終

斜川集卷第二

眉山蘇過叔黨撰

湖口丈李正臣蓄異石廣袤丈餘而九峯玲瓏老  
人名之曰壺中九華且以詩紀之命過繼作懷

玉

案坡詩作于  
紹聖元年

至人寓迹塵凡中杖頭挂壺來何從長房俗眼偶澄澈  
一笑市井得此翁試窺壺中了何物何處著此千柱宮  
毘耶華藏皆已有不獨海上棲瀛蓬我聞須彌納芥子  
況此空洞孰不容何人誤持一嶂出恍是九華晚絕峰  
令人卻信劉郎語當年霹靂化九龍誰將真形寫此石

太華女几勞清雄終當作亭號秋浦刻公妙句傳無窮

和大丈遊羅浮山

懷玉案坡集有遊羅浮山一首示兒子過樂城亦有和作時細

聖元年初  
到惠州作

我公陰德誰與京學道豈厭遲齋鳴世閒出世無兩得  
先使此路荒承明謫官羅浮定天意不涉憂患那長生  
海涯莫驚萬里遠山下幸足五畝耕人生露電非虛語  
大椿固已悲老彭蓬萊方丈今咫尺富貴敝屣孰重輕  
結茅願爲麋鹿友無心坐伏豺虎磼況公方臚已照座  
奕奕神光在天庭出青入元二氣換妙理默契黃庭經  
但願他時仇池主不願更勒燕然銘稚川刀圭儻可得

簪組永謝漢公卿腹中梨棗晚自成本無荆棘何所平

白水巖湯泉

懷玉案紹聖元年坡初到惠州有湯泉詩叔虧此篇應是同作

世閒詭異那可詰地中火出連岡脈只知驪山天子浴  
未信窮海湯泉出方池不須緣石甃小沸自與澄沙白  
涓涓微溜架巖谷郁郁佳氣蒸石室滿山松柏香自送  
何用椒蘭熏四壁從來佳境與人遠野老山僧那解說  
雖云得地古招提未遇賞音同汨沒一篇今得謫仙詩  
當與繡嶺爭雄雌

海南多鹿豨土人捕取率以夜分月出度其要寢  
則合圍而周阱之獸無軼者余寓城南戶外卽

山林夜聞獵聲且有饋肉者作夜獵行以紀之

霜風肅肅陵寒柯海月灔灔翻秋河空山無人柴徑熟  
豨肥鹿飽眠長坡山夷野獠喜射獵腰下長鋏森相摩  
平沙羣鳩覓遺跡踴躍不待張虞羅均呼夜起山谷應  
披挾草木窮株窠何人得雋喜叫絕將割未諉青丘多  
今年歲惡不可度竹閒有米田無禾耕牛日欲登鼎俎  
野獸脫命理則那朝來剝啄誰有饋愧爾父老勤弓戈  
一言願子不我忽暴殄天物神所呵

送人泛海北歸兼寄諸兄弟

冥冥天水吞爲一夜依北斗占南北危樓時吐蛟蜃氣

半山忽隱長鯨脊  
起看檣頭雉尾轉  
一帆千里日未足  
此身何止輕鴻毛  
到家始覺是眞肉  
怪君胡爲冒此險  
象犀珠玉非所役  
凜然風義照古人  
尺書爲我通消息  
我似當時常校尉  
掘鼠餐瓊從屬國  
茫茫海闊雁不到  
長欲繫書空憫默  
愚君爲語諸季孟  
耐事忍慙眞子職  
而唾勿嫌解自乾  
盜金卻償安用誥  
杜門只作田舍子  
來往江鄉乘下澤  
三吳想見稍如雲  
舶還時救陳蔡厄

次韻謝民師

老鶴過海仍將雛  
澹然如將沒齒疏  
人生如寄何足道  
富貴貧賤隙兩駒  
飄流僅似虞夫子  
飢坐弦歌古僧耳

不堪秦嶺望家山敢有玉關生入理廣文才名三十年  
困窮直到寒無擅將軍夜行遭醉尉曲逆解衣嘗刺船  
豈知雷雨來新渥歸路江山宛如昨飢人但覺粃糠美  
憂患始知田舍樂夢中猶記魚相濡莊叟屢困監河枯  
聊因競病歌歸歟寧復燦爛悲窮途知君篤學真爲已  
不從世好惟耽此作詩頗似建安風取友更同鮑叔義  
我聞得士朝廷尊搢紳所寄惟斯文象犀珠玉本安用  
猶使四海爭趨奔高人處世誠難矣絕俗驚愚空自昧  
坐令瑚璉廢清廟凋毛何由薦天子我羨平生馬少游  
不願溝瀆容吞舟夜光明月請自闕按劍或恐疑輕投

次大人生日

懷玉案坡集無生日詩此云萬里遠謫南海濱及羅浮至今餘怪珍蓋紹

聖元年在惠州時作坡集偶佚之耳

陰功若以物假人酬而不酢非所聞丙吉于公德在民  
皇天有善初無親自我高曾遠公身奕世載德一於仁  
遇苦卽救志劬辛豈擇富貴與賤貧久推是心誠而均  
可貫白日照蒼旻譬如農夫耘耔勤自有豐年穫千囷  
公何屢困蠅與蚊身雖厄窮道益信天不俾之爵祿新  
琢磨功行眞人鄰直言便觸天子噴萬里遠謫南海濱  
朝夕導引存吾神兩儀入腹如車輪羅浮至今餘怪珍  
稚川藥竈隱荆榛飛騰澗谷不可馴有道或冒來相賓

區區功名安足云幸此不爲世俗醺丹砂儻結道力純  
冷然御風歸峨岷

聞郭太尉出師大捷奚人擒契丹曾領四軍者來  
獻作長句古調一首

遼人猖蹶敗紀網鳥獸驚駭自取亡歸我五季舊土疆  
有如宣宗復河湟彼酋假息不自量網開三面猶跳梁  
爝火乃欲犯太陽怒臂當車學螳螂支天所壞仍鴟張  
含沙射影出復藏將軍義勇冠三光願以部曲除螟蝗  
戶有三丁一我將遣汝積憤當少償上馬亟持十日糧  
長矛短戟春其吭前者披靡後者戕係累妻子涕泗滂

將軍折北昔未嘗以巧服人尤所長勿追窮寇非深防  
會遺生致如探囊匈奴自古夸豪強三表五餌稱前王  
竟無一日笞中行昭君遠嫁令人傷豈知天兵自薦揚  
郅支授首須陳湯頭顱萬里行朔方遣示橐街聽徜徉  
偃兵息民令有常昔居鋒鏑今農桑百年版籍淪要荒  
一日冠蓋欣相望李白長歌漢道昌兩階羽舞垂衣裳

大隱堂爲范氏西田題

懷玉案坡集藥師琉璃光佛贊序云佛弟子蘇軒與

其妹德孫病久不愈其父過母范氏供養祈禱  
氏此范侯爲忠宣之裔詩中有行歌道上慙  
妻孥之語其言頗親切豈卽叔黨妻兄弟邪

范侯作園湖之隅繚以脩竹千芙蓉鴨陂下浸波浪闊

箕山西指峯巒孤有堂翼然照通衢路人尙憶華嚴居  
華嚴初來理荒廢布衣小艇披茭蒲蛙鳴不知官與私  
莫來亂我夜讀書人懷忠宣及其子遺愛何止屋上鳥  
小范更無膏粱氣閉門一味如蠹魚甯爲山林獨往計  
且隱市朝行坦途嗟我與君涉世疎短纏波深爾自愚  
行歌道上慙妻孥坐令家無廩石儲欲將大隱欺誰歟  
人不吾以曷早圖未須直學西山夫槁項終爲山澤臞

愛人堂爲李幾仲賦

讀書當讀孔孟書我飽尙可推其餘莫求捷徑拾青紫  
口但潤齶腹空虛孔孟之功如藥石洗濯肝胃充肌膚

如農去莠植嘉穀如行九折遇坦途我憐赤子在遠域  
疾痛不聞其叫呼何當攘臂問民瘼古之循吏誰爲儒  
我觀李侯少英特閉門不曳侯王裾詩書已誤半世事  
一割未信雞牛殊彈冠小縣何所爲長養善類惡者誅  
作堂之名固有在要使膏澤流海隅不願力田頻賜爵  
不願校讎歸石渠使我三年飯脫粟活此千人爲親娛

地鑪歌寄伯仲

野人勸我鑿地鑪纔能容膝便有餘土牀屈曲方六尺  
塙塗何必髹丹朱廣文無璫與客設蒲團但學僧跏趺  
破鎗折腳自烹煮中有至樂人所無我游東南古佛刹

潭潭大屋千浮屠環牀接席如坐井白衣蓋火深模糊  
貴人盡臥紅氍毹春風習習生四隅牽衣畱客長夜飲  
一石屢醉狂淳于我家環堵真癩儒鶴鵬無羨安枋榆  
勞生養此夢幻軀誰能華皖慕大夫時從村叟交蹠語  
炔燄爬搔味醍醐牀頭一榦自取飲醉後耳熱時歌呼  
坐想潁川十日雨尺薪如桂求里闐此時無人知我樂  
惜哉不與二仲俱我兄何時結茅廬小窻請試新規模

寄題折嗣益襲慶閣

帝有虎臣司北門虛弦坐落天驕魂百年不敢南牧馬  
草木尙有威名存平生忠義身許國不以金玉遺子孫

承平弓劍空在觸惟有簡編遺後昆不知所活幾千人  
一門何止半朱輪滿牀簪笏不足道萬石家風今復聞  
明憲小閣臥晏溫不讀孫吳看典墳坐銷殺氣邊風春  
記取大馮小馮君

蜀人宋衍蚤孤母去力學取科第遂獲見母蓋自  
蜀至許六千餘里聲迹不至逾二十年感歎茲  
事作此詩以送其歸

綠槐染衣蘆作鞭朝騎駿馬下九天人爲君榮君未喜  
我家劍南親萬里四歲兒啼母不知肺肝欲裂悲語誰  
不如讀書期有立可以藉手榮吾慈白雲悵望天一方

穎水之北嵩之陽君王一日親試策阿蘭不願尙書郎  
里門下馬人爭看對泣相持行路歎版輿歸侍錦江頭  
戲彩重償艷與艸

范季遠作止齋求詩以此寄之

急流勇退真難事要取榮枯君自味世閒軒冕如嚼蠟  
自覺山川天下貴君如入駿方服輶帝閑正欲求千里  
刷燕秣越非所願放浪煙霞躡雲水蕭然築室在人境  
身與此心俱欲止倦飛偶學陶彭澤示病還同老居士  
政憂功名來未免吾駕不同誰與柅古來索價累高人  
少室終南應所鄙

大雪日趙承之梁與可訪賈子莊飲爽亭孫志康  
不得預故有詩怨之亦次韻和一首

三士高談常絕席不數漢庭人九尺雪中忽到剡溪行  
狂飲學髡俱一石不敎彭宣到後堂只供爽氣千陵岡  
忍寒排闥計大誤夫子莫悔不得將夜歸過我天正黑  
燈影照坐如僧房峩冠切雲服亦奇勝遊何不蚤遣知  
風花醫眼同一霎欲追此權將柰若人間何往不自適  
陵生且復爲陵鳥

和吳子駿食波稜粥

朔風吹雪墳廬屋一味飢寒尋范叔綿袍安敢望故人

藜覓從來誑空腹近聞陶令餠無儲不獨魯公新食粥  
波稜登俎稱八珍公子未應譏世祿山僧一食不過午  
忍飢學道忘辛苦書生事業乃爾勤夜然膏火窮今古  
要將五鼎同釜鑄算瓢未可輕原生肉食紛紛固多鄙  
吾寧且啜小人羹

次韻承之紫巖長句

亂山窮處聞魚鼓梵宇潭潭不知暑當時麻衣此卜居  
自啓山林著藍縷飛空樓觀驚造化縹渺雲閒如帝所  
道人疑是有道者已不求人人自許富兒爭致千金多  
貧者不辭筋力苦若非足指按大地荒山坐變琉璃宇

南陽持節奉詔歸夜上崢嶸攜幕府是時六月火令熾  
十騎解鞍人按堵登臨豈爲謝公賞七子賦詩歌趙武  
長廊月出清風生古殿無人鈴獨語公畱三日看溪漲  
白晝魚鰐落飛雨我昔千里上太行身世飄零悲逆旅  
莫投紫巖稍自慰欲扣僧房無可侶有來野餉苜蓿飯  
主人對客羞貧窶何似元戎從掾吏落日紅旗照洲渚  
椎牛驪酒勞還役號令三更傳部伍君能筆力記其事  
句法更如山峻阻一時豪放豈易得況有幻怪供詩取  
歸來尙可詫朋友雲夢青丘俱不數山川雖是風物殊  
樂哉信美非吾土

信中惠竹以詩謝之

筆門圭寶百不宜 大紅盤紫無所施  
主人愛竹尤成癖 獨欠此物如渴飢  
君家十畝等沃東 羅生川谷壞藩籬  
揀林許我恣所愛 有力夜負竹不知朝來  
起看簷角風離披 總干山立屹不動  
高節自首貫四時 我方病臥呼不醒  
一篇忽得陳琳詞 頭風去體未足道  
歲寒非子當誰期 明朝戢戢避犀玉  
請看舞龍頭角奇 千竿共戰風雨夕  
記取苗裔來葛陂

次韻承之重九

庾郎自誑誇重九 北海常憂客無酒  
肯教白髮負黃花

不爲虛名畱覲首人生能換幾星霜我非石心與木腸  
乾愁漫解祇自慰消長只繫吾行藏棄書學劍猶有得  
西斬樓蘭北疎勒從軍直到單于臺封侯萬戶何人哉  
圖形未許陵煙上草檄觀君試豪放山陰回時迹已陳  
高陽大醉情何暢爲君悲歌和哀箏請君更草麗人行  
吳姬趙女爾愁絕一笑當時空目成行行且作歸裝東  
子雲校書又天祿一杯且復中聖賢周南畱滯誰我憐  
買田早約鷁夷子相與躬耕不計年

不睡

四鄰悄悄鼾殷牀惟有客夢不得長柴門獨掩燈有暈

歎枕未熟背已芒四更山月來洞房炯炯孤影射屋梁  
茅簷悉窣鼠自齧煙樹蒼莽泉爲祥海風蕭蕭振槁葉  
谿聲澑澑漫廢塘二三黃冠真可憫空祠夜禱寒欲僵  
步虛聲斷翠微遠鐘磬時款幽人堂山城寂寥消殘漏  
鼓角淒悲吟曉霜懸知此時我獨覺胡爲百想懸肺腸  
雞鳴世務紛如織曷此頃刻聊坐忘

送呂知止

王謝風流要有種誰比君家俱得鳳慈明兄弟稱八龍  
未易賢愚推伯仲應機短小精吏治千里名駒方試轡  
皎然若谷冰雪姿彫琢肺肝嫌未痛英標颯爽吾知止

割雞今欲牛刀用胡爲從事筦庫役無乃漢陰工抱甕  
嗟余飄泊同閭里一味窮愁惟子共詔恩雖脫鍾儀囚  
未敢彈冠效王貢平生世味似嚼蠟丘壑莫年尤自縱  
爲君懸榻待歸來故人蚤破邯鄲夢

送孫志康

季孫愛我如美疢孟孫惡我如惡石平生願得逢若士  
庶幾愛我非姑息先生少抱王佐才早以聲名馳上國  
白頭猶著從事衫正坐不爲俗子屈剛風由來有家學  
不信直前能缺折世無子期誰賞音伯牙太息弦應絕  
晚從南陽客塞上豈爲文章工草檄厭聞可否梁丘據

磨礪正須煩子革先生恃此雖暫合鴻鵠要是雲閒翮  
夜光明月遭按劍未冇碌碌同沙礫翻然賦歸一何速  
越吟久自問莊鳥世閒軒冕豈不欲鑿柄兩窮安所得  
不如乞身向嵩少問舍求田乃良策祖生從此須著鞭  
我當繼蠟登山屐

戲題姚美叔睡軒

姚侯不學蘇季子佩取六印誇閭里又不斬取樓蘭王  
立功萬里還故鄉兩俱茫茫空白首車輪馬跡環四方  
忽焉投劾賦陶令亦復近市師韓康結髮少來遭物役  
不在功名在刀筆不如一覺獲安眠收拾散亡歸此室

送參寥師歸錢塘

我先大夫東南遊六年雲水窮搜吹噓人物到方外  
伯樂未忍輕驛驅老師一見心相投氣味要是同薰蕕  
塵埃豈解埋珠玉自有寶氣干斗牛作詩爲文盡餘事  
勁節凜凜橫九秋俗子欲交輒掉頭我友天下第一流  
雖遭謗罵不少避年世久已同浮漚我昨南來自炎州  
師亦方解鍾儀囚握手流涕古汴溝生死骨肉我未瘳  
衆人見棄誰相休纍然獨處空山幽忽聞剝啄師喚我  
灑掃茅堂三日畱行行吳越有舊隱明年當泛西湖舟  
贈言乃是朋友義敢效兒女空綱繆夜光明月宜自收

虎文豹纈非身謀

題岑氏心遠亭

君不見鄭崇門前鬧如市此心不礙如秋水又不見翟  
公之門空設羅翻爲交情生慍喜豈知靖節棄官歸五  
斗難堪折腰恥結廬何必在山澤方寸湛然遺遠邇君  
家小園纔數畝竹柏蕭森閒桃李幽亭容膝審易安不  
羨華堂收梓杞平生少游眞吾師自欲浮沈老閭里故  
應從事三逕樂更效子綦今隱几君看六鑿無天游婦  
姑攘奪無窮已達人無累超物表雲夢胸中吞芥子紛  
紛朝市我無與轂擊肩摩同一軌高情縹渺謝塵寰悵

望雲山友黃綺

秋蠅篇

秋風中人如劍芒飛蠅側翼何處藏晨憂霜露避暗壁  
晚集戶牖依斜陽斜陽寂寂能幾許股翼未溫寒日暮  
縱饑不敢近華筵屏跡何須待揮塵我方六月流汗時  
營營貼耳緣目睂盤餐旨潔未下筯聚嘬弄吻不少遲  
微物盛衰還有數得意何曾念寒暑帳中相弔定飢蚊  
窻外巧尋惟蝎虎糜身槁死不足憐耳目所憎欣且去  
嗟哉時節那可爭造物於汝何好惡

送仲南兄赴水南倉

憶君結髮讀書日。有學呻吟事刀筆。功名直欲高古人。  
議論從來氣橫臆咄嗟。歲晚事大繆翻然自許林泉役。  
躬耕二頃羞甘旨。櫛風沐雨忘晨夕。十年不知簪組味。  
萬里能舒陳蔡厄。丈夫升沈何足道。竭身養志真奇特。  
閉門卻求文史樂。勁氣豈爲窮居屈。信哉自有絕人處。  
坐使懦夫聞有立邇來。彈冠本非好。黽俛聊從父兄迫。  
區區試吏倉庾閒。定知蠟屐何曾得。嗟余白髮亦自笑。  
眷眷一官乃雞肋。明年驅車走太行。政坐相如空四壁。  
秋風溼水各相送。未覺軒裳勝蓬草。鷁鷀儻獲一枝安。  
此外所憂非我力。

謝公定以所藏文與可詩示其孫驥驥有詩次韻  
骨冷能詩庾開府妙句天成醉翁許醉翁已作神清游  
伯牙絕弦空千古謝翁家無甌石儲獨富牙籤收贊楮  
詩豪遺墨宛在世不與俱化土後生無復見老師

句法凜然猶可度幼孫風流自一種疑是江東王謝伍  
君不見西京柱下太史公畱滯周南歎無補傳家有子  
能續業執手潛然只虛語子孫他日繼文翁太史家風  
爾乎取

志康得魚或勸捨之諸公有詩議未判吾誰適從

亦賦一篇

谿魚有如線木求縱有瑣細不受鉤我居恨不如江頭  
長江巨浪一葦游得魚滿船飭鯉儻莫歸獻俘烹魁曾  
邇來越吟思命騶齋廚空無萍藻羞披抉泥沙窮澗陬  
掇拾小鮮饌糗餕三疊井上或可侔先生道眼無全牛  
虛心觸物如虛舟獨未辟穀師畱候手持巨餌安所投  
彈鋏時有馮驩憂南音不變鍾儀囚朝蘿暮臘意則悠  
渠宵嗜殺對血流欲引西江蓋無由升斗小惠不知凋  
吾言非夸亦非媿一飽等是充飢喉暴殄天物神所不

杜陵有詩請君謳

次韻伯達仲豫二兄和參寥子

羅浮插天猿晝號飛步絕頂觀雲濤庶幾神藥兩童賜  
日暮空歎西山高道人航海曾何勞久將身世輕鴻毛  
只恐西湖六橋月無人主此詩與騷

題王進之綠蔭軒

主人愛竹真成癖門階戶席俱寒碧小軒故爲翦重闌  
舍下從教笱穿壁欣然遠致數君子相對青青好顏色  
公庭無事白日長寒影參差亂書帙君家將相山西種  
世世剖符門列戟圖形未肯上陵煙卻掃何爲清一室  
胸中定有不凡處對客何妨仍蠟屐明年新笱拂雲長

夏簟琅玕足畱客

李方叔治潁川水磨作詩戲之

君不見相如昔隱臨邛市文君當爐身滌器未逢給札賦陵雲豈免辛勤穿犢鼻又不見蘇秦大困還家時失計頗遭妻子詈誰令奔走事口舌不學周人營什二侯平生無一廛只有便便五經笥儒冠半世已誤身老欲歸耕無耒耜近聞潁川有瀑布碓磨能窮谿谷利釀渠鑿石激清流機動輪旋人力易今年麥熟春雨足車載斗量應有備勿嫌巾袂縞紛紛飽看谿渠鳴泣泣堆盤坐想雪如山夢中已覺錢流地待君結廬秋風初我欲叩門來土瑞起搜湯餅掃飛羅幘金操刀定中饋千

金何必羨鴟夷少有屬饜而已矣嵇康好鍛季主卜達人未免茲游戲

送粹公保德通守還朝

與君相見古井門眉目炯炯清而溫天涯流落十年事  
但指白髮俱忘言當時射策探月窟想騎入駿超崑崙  
我時蹇步謾追逐一蹶不復驂車輪豈期末路有相顧  
漂母頗亦哀王孫青衫塵土百僚底忍飢不解安田園  
壯心消盡憂患在乞憐何異從丘墦君才雅爲清廟器  
未嘗碌碌爭乘軒聊從州縣事下考要爲慈母時平反  
吾庸多矣願自愛舍魚不取從熊蹯

送叔寬弟通判瀘南

老人出鄉不得歸西山潁水含清悲脂車獨辨入蜀計  
欒城季子真男兒陵雲棧道三千里屈指渡瀘五月時  
想歡里門下父老寒食上冢先墓頤吾弟平生得詩禮  
大吾門戶惟子期巴川僰道人鄙遠誰冒仁義變蠻夷  
蜀筠蒟醬亦安用唐蒙已死仍瘡痍請君攜泥一丸去  
持此關塞安黔黎

送普融老

孤雲去來無常蹤流水曲折無定容紆餘散漫隨天風  
流行坎止忘西東南嶽道人曰普融壁立萬仞疑少通

山林市朝能兩空未覺芥蒂於其胸脫身塵埃寓高峯  
澹然遺世無冥鴻豈知絕物非中庸忍飢學仙噉柏松  
住山出山偶然中人不吾舍吾其從漿饋未足爲汙隆  
要與後學開盲聾我方處世如鉛眷自知冠冕久不工  
願言香火他日同二老會當林下逢

清源大夫吳人到官之數月鑿池引泉植芙蓉大  
變晉俗遂忘江湖之想作詩寄題芙蓉亭

先生腹有五車書宜著天祿與石渠一日不可食無魚  
何不置之於江湖邇來得邑古塞隅飲酪披毳如羌胡  
汾水濁惡山童枯不知先生何爲娛忽然寄詩遺長鬚

報我縣圃開榛蕪昔爲沮洳今可瀦下灌稅稻池之餘  
清流映帶紅芙蕖炯然不染先生如簿書擾擾徒喧呼  
不妨行吟學三閭吏民已化愚溪愚能和紫芝于薺于  
教條自簡俗自紓三尺不犯鞭與蒲願君越吟小踟躕  
晉楚未覺肝膽殊長短莫較鶴與鳧彈鋏且緩歸來乎

次韻叔父題畫木石屏風

老人萬事無心雲年來道眼等臥輪西軒坐閱車馬奔  
垂天不展空鵬蹲屏閒怪石千年根端爲先生來結鄰  
豪端雖愧蜀兩孫要非丹青閱世人空山老幹不效珍  
荆人異璞埋埃塵幸此不遭世俗昏棟梁圭瓊徒勞神

斜川集卷第二終

〔斜川集卷二一

六